

TARIKH : 9 MAC 2022
AKHBAR : BERITA HARIAN
MUKA SURAT : 4

Tiga fasa dilaksana bermula April

Program Pembasmian Kemiskinan Tegar Keluarga Malaysia

Tiga fasa dilaksana bermula April

Usaha babit pelbagai pihak termasuk kerajaan negeri di 480 lokaliti rintis

Oleh Noor Atiqah Sulaiman
bhnews@bh.com.my

Putrajaya: Program Pembasmian Kemiskinan Tegar Keluarga Malaysia (BMTKM) akan mula dilaksanakan dalam tiga fasa bermula bulan depan, memabatkan 480 lokaliti rintis di seluruh negara dengan pembabatan pelbagai pihak termasuk kerajaan negeri, kata Datuk Seri Ismail Sabri Yaakob.

Perdana Menteri berkata, program itu bertujuan membasmi miskin tegar menjelang tahun

2025 dengan fasa pertama memabatkan 80 lokaliti rintis di seluruh negara, manakala bagi fasa kedua dan ketiga, akan dilaksanakan September hingga Disember ini.

"Seterusnya, untuk fasa keempat hingga enam, ia akan dilaksanakan pada tahun depan. BMTKM adalah sejajar dengan dasar dan strategi baharu untuk membasmi kemiskinan tegar pada Rancangan Malaysia Ke-12 (RMKe-12)," katanya dalam kenyataan selepas mempengerusikan Mesyuarat Menteri Besar dan Ketua Menteri (MBKM) Ke-138, semalam.

Sebanyak lima kertas dibentangkan untuk perbincangan yang memabatkan kerjasama erat antara Kerajaan Persekutuan dan negeri bagi memastikan agenda kesejahteraan Keluarga Malaysia dapat dilaksanakan.

Menerusi BMTKM, Ismail Sabri berkata, kerajaan akan menggunakan beberapa pendekatan

seperti menubuhkan Unit Kemiskinan khusus pada peringkat Persekutuan, negeri dan daerah.

"Selain itu, kerajaan juga akan mewujudkan pangkalan data kemiskinan secara bersepadu dan berpusat, untuk mempertingkatkan program ini, kita akan dengan menggunakan pendekatan dari bawah ke atas menerusi pendekatan menyeluruh serta melaksanakan penyelesaian kemiskinan pada peringkat akar umbi," katanya.

Mesyuarat yang diadakan secara bersemuka itu juga bersetuju supaya kerajaan negeri perlu memberi keutamaan dengan menyergerakan kelulusan terhadap permohonan pengambilan tanah bagi melaksanakan projek yang diluluskan oleh Kerajaan Persekutuan.

Ismail Sabri berkata, antara agenda perbincangan semalam ialah komitmen bersama Kerajaan Persekutuan dan negeri ber-

hubung perolehan tanah untuk pelaksanaan pembangunan kerajaan berkepentingan awam.

"Kerajaan bertanggungjawab menyediakan kemudahan infrastruktur yang berkualiti untuk kemudahan Keluarga Malaysia bagi merangsang pertumbuhan ekonomi.

"Namun, isu tanah menyebabkan kelewatan dan secara tidak langsung memberi implikasi kewangan kepada kerajaan," katanya.

Beliau berkata, dalam Rancangan Malaysia Ke-12 (RMKe-12), kerajaan memberi tumpuan kepada projek infrastruktur berimpak tinggi seperti Laluan Rel Pantai Timur (ECRL), landasan berkembar elektrik Gemas ke Johor Bahru, Projek Sistem Transit Rapid (RTS), Lebuhraya Pantai Barat (WCE), Central Spine Road dan Lebuhraya Kota Bharu-Kuala Krai.

"Projek yang dinyatakan ini akan memberi limpahan ekono-

mi yang besar kepada negeri berkenaan.

"Berikutan itu kita memutuskan kerajaan negeri perlu memberikan keutamaan serta menyergerakan kelulusan permohonan pengambilan tanah untuk projek Kerajaan Persekutuan.

"Tanah projek yang memabatkan jajaran, akan diluluskan secara perizaban, manakala tapak pusat operasi, pejabat atau stesen diluluskan secara pemberi milikan," katanya.

Ismail Sabri berkata, kerajaan negeri perlu membantu menyelesaikan isu halangan di atas tanah milik mereka kerana ia memabatkan projek kerajaan berkepentingan awam.

"Pada masa sama, perbincangan lanjut akan diadakan berhubung kadar premium yang dikenakan untuk pemberi milikan dan cukai tanah oleh Kerajaan Negeri selaras dengan ketetapan yang telah dibuat oleh Majlis Tanah Negara," katanya.